

四庫全書

史部

欽定四庫全書

史部

欽定續通志卷七十

主事_臣尹壯圖覆勘

總校官原任侍講_臣王燕緒

欽定四庫全書

欽定續通志卷七

元紀十四

順帝

至正十三年春正月庚午朔用帝師請釋放在京罪囚

以中書添設右丞哈瑪爾為中書右丞

按哈瑪爾傳十二年八月為添設右

丞十三年正月正除右丞八月由右丞除宣政院使至十四年十二月始為平章政事元史宰相表同十二年八

月本此亦稱為添設右丞未嘗為添設平章也原文誤作平章政事今改參知政事烏蘭哈

達為添設右丞

按元史宰相表烏蘭哈達于是年正月代哈瑪爾四月為正今于右丞上增添

設二字

參知政事烏克遜良楨為左丞辛未立分司農司

立分司農司據續通鑑增

以烏蘭哈達烏克遜良楨兼大司農卿給

分司農司印西自西山南至保定河間北抵檀順州東

及遷民鎮凡係官地及元管屯田悉從分司農司立法佃

種給鈔五百萬錠供其費乙亥命中書右丞托克托討

商州賊丙子方國珍復降庚辰中書省臣言近立分司

農司宜於江浙淮東等處召募能種水田及修築圍堰

之人各一千名為農師教民播種宜降空名添設職事
教牒一十二道遣使齎往其地有能募農民一百名者
授正九品二百名者正八品三百名者從七品即書填
流官職名給之就令管領所募農夫不出四月十五日
俱至田所期年為滿即放還家其所募民夫每名給鈔
十錠從之以杜秉彛為中書參知政事丙戌以達實巴
圖爾為四川行省右丞庚寅知樞密院事婁章復南陽
唐州二月甲寅立托克托平徐勲德碑壬戌以宣政院

使都統特穆爾知經筵事中書右丞烏蘭哈達左丞烏克遜良楨叅知政事杜秉彝並同知經筵事三月己卯以托克托領大司農司丁亥命托克托以太師開府提調太史院回回漢兒司天監是月命江浙行省左丞特哩特穆爾江南行臺侍御史尊達實哩招諭方國珍夏四月帝如上都五月辛未江西行省左丞相琳沁巴勒江浙行省左丞羅羅引兵取道自信州元帥韓邦彥哈瑪爾取道由徽州浮梁同復饒州斬黃等賊皆潰走乙

未泰州白駒場亭民張士誠及其弟士德士信作亂陷
泰州及興化縣遂陷高郵據之六月丙申朔立詹事院

丁酉立子阿裕實哩達喇為太子以右丞相托克托兼

詹事庚子命知樞密院事實喇巴圖總河南軍四川右

丞達實巴圖爾總四川軍

按達實巴圖爾于本年正月
為四川右丞至十四年三月

始為平章政事俱見本
紀此誤預書平章今改

自襄陽分道而下復安陸府癸

卯詔淮南平章達實特穆爾總領漢軍蒙古守禦淮安

遼東沃濟野人托雅罕及奇塔特昆卓奇雅珠等以皮

貨來降給銀牌一面令管沃濟野人辛亥以前河西廉

訪副使額森布哈為准西添設宣慰副使討泰州是月

詔准南行省平章政事福壽討興化秋七月戊辰命宦

官至一二品者依常例給俸祿壬申湖廣叅政鄂爾和

復武昌及漢陽府癸酉詔詹事院自行銓注本院屬官

八月帝還大都資政院使托和齊復江州路左遷平章

政事耀珠

按元史宰相表未載耀珠為中書平章政事

為准西元帥供給烏

撒軍進討蘄黃九月乙丑朔日有食之己丑建皇太子

蓋頂殿於聖安殿西冬十月丁未廣西元帥甄崇福復
道州誅賊將周伯顏庾戌從特哩特穆爾尊達實哩之
請授方國珍徽州路治中國璋廣德路治中國瑛信州
路治中督遣之任國珍等不受命立水軍都萬戶府於
崑山州以浙東宣慰使納琳哈喇為正萬戶宣慰使董
搏霄為副萬戶是月撤世祖所立糧殿改建殿宇十一
月丁亥江西右丞和尼齊以兵平富州臨江遂復瑞州
是月立義兵千戶水軍千戶所於江西事平願還為民

者聽十二月江浙行省平章政事巴延特穆爾南臺御史中丞曼濟哈雅及四川行省參知政事谷喇圖左丞桑圖實哩西寧王英實合軍討徐壽輝於蕪水敗之壽輝遁走獲偽官四百餘人陝西行省平章政事博羅四川行省右丞達實巴圖爾復均房等州濠人朱元璋起兵據滁州是為明太祖是歲造清寧殿前山子月宮諸殿宇以宦官留守額森特穆爾留守同知伊蘇岱爾及都水少監陳阿穆爾克等董其役

十四年春正月癸酉立遼陽等處漕運庸田使司屬分
司農司是月達實巴圖爾復陝州二月己未以湖廣行
省平章政事果勒為淮南行省平章政事討張士誠是
月以呂思誠為湖廣行省左丞命湖廣行省右丞巴延
布哈江南行省中丞曼濟哈雅江浙行省平章政事巴
延特穆爾參知政事阿爾烏遜會合湖南行省平章政
事額森特穆爾討沿江賊立鎮江水軍萬戶府命江浙
行省右丞佛嘉律領之詔河南淮南兩省並立義兵萬

戶府建清河大壽元忠國寺以江浙廢寺田歸之三月
癸亥朔日有食之甲戌命親王蘇克特穆爾以兵討宿
州賊丙子潁州陷是月中書定擬義兵立功者權任軍
職事平授以民職從之以四川行省右丞達實巴圖爾
為本省平章政事兼知行樞密院事總荊襄諸軍從宜
調遣詔和買馬於北邊以供軍用夏四月癸巳朔以武
祺參知中書省事是月帝如上都方國珍復擁船據海
道以江浙行省參知政事阿爾烏遜為本省右丞浙東

宣慰使恩寧普為江浙行省參知政事總兵討之發陝西軍討河南賊造過街塔於盧溝橋修築白浮菟山隄堰五月甲子安豐正陽賊圍廬州是月詔修北途所經色澤嶺黑石頭河西沿山道路立南陽鄧州等處毛葫蘆義兵萬戶府募土人為軍免其差役令討賊自効詔以伊蘇烏爾圖革募兵萬人下蜀江代達實巴圖爾守中興荆門命達實巴圖爾以兵赴汝寧以湖廣行省參知政事鄂爾和為右丞討廬州命荆王達爾瑪實哩代

奎騰阿哈鎮河西討西番賊六月辛卯朔張士誠寇揚州丙申達實特穆爾以兵討張士誠敗績諸軍皆潰詔

江浙行省參知政事佛嘉律會達實特穆爾復進兵討

之按佛嘉律於本年二月已稱行省古丞不載何時降為參知政事已酉張士誠陷盱

眙縣庚戌陷泗州官軍潰秋七月壬申命刑部尚書阿

魯於汝寧州等處募兵討泗州是月帝還大都九月庚

申以湖廣行省左丞呂思誠復為中書左丞

按元史呂思誠傳思

誠至湖廣未數日召入是其左遷湖廣行省左丞亦必係本年事傳又云至武昌時賊已據城思誠至皆驚走

去二日而武昌復陷紀俱失載又宰相表
恩誠以十二月召入為添設左丞與紀異辛酉以知樞

密院事伊徹察喇為中書平章政事詔丞相托克托總
制諸王各翼軍馬出征高郵是月方國珍拘元帥伊德
默色黃巖州達魯噶齊宋巴延布哈知州趙宜浩以候
詔命冬十月戊戌詔達實巴圖爾及台哈布哈等會軍
討安豐十一月丙寅敕省院臺奏事先啟皇太子丁卯
托克托領兵至高郵辛未戰於高郵城外大敗賊衆乙
酉托克托遣兵平六合縣是月達實巴圖爾復舊軍所

據鄭均許三州十二月丙申以中書平章政事昂珠為左
丞相宣政院使哈瑪爾永昌宣慰索諾木巴勒並為中
書平章政事監察御史袁賽音布哈等劾托克托出師
三月略無寸功傾國家之財為已用半朝廷之官以自
隨又其弟額森特穆爾庸材鄙器玷汙清臺章三上詔
額森特穆爾出都門聽旨以宣徽使旺嘉努為御史大
夫丁酉詔削托克托官爵安置淮安路弟御史大夫額
森特穆爾安置寧夏路以河南行省平章政事台哈布

哈為本省左丞相中書平章政事伊徹察喇加太尉集
賢大學士舒蘇知樞密院事代領其軍詔被災殘破之
處令有司賑恤仍蠲租稅三年賜高年帛罷庸田茶運
寶泉等司戊戌以鼎珠領經筵事中政院使僧格實哩
為中書添設右丞庚子以僧格實哩同知經筵事冀國
公圖魯加太尉癸卯以哈瑪爾提調經正監都水監會
同館知經筵事就帶原降虎符甲辰以僧格實哩提調
宣文閣喇瑪爾兼大司農呂思誠兼司農卿提調農務

是月命甘肅右丞威台討捕西番賊達實巴圖爾復河陰鞏縣獠賊自耒陽寇衡州萬戶許托音死之是歲詔諭民間私租太重以十分為率晉減二分永為定例京師大饑加以疫癘民有父子相食者帝於內苑造龍船自製其樣又自製宮漏其精巧絕出人謂前代所鮮有時帝急於政事荒於游宴以宮女三聖努妙樂努文珠努等一十六名按舞名為十六天魔首垂髮數辨戴象牙佛冠身被纓絡大紅銷金長短裙金雞襖雲肩合袖

天衣綬帶鞋襪各執加噶布喇婉之器內一人執鈴杵
奏樂又宮女一十一人練槌髻勒帕常服或用唐帽窄
衫所奏樂用龍笛頭管小鼓箏箏琵琶笙胡琴響板拍
板以宦者察罕岱布哈管領遇宮中讚佛則按舞奏樂
宮官受祕密戒者得入餘不得預

十五年春正月戊午朔以中書平章政事吹斯噶出為

陝西行省平章政事

按出為陝西行省平章政事元史作提調留守司考宰相未至正十五

年正月吹斯噶出為陝西行省平章吹斯噶傳亦云至正十五年遷陝西行省平章復召還拜知樞密院事俄

復拜中書平章提調大都留守司此下書以答斯為中書平章者即補次斯歲之缺而其提調留守司乃再入中書時事也紀
文錯誤謹改 宣徽使哈斯為中書平章政事河南行

省左丞許有壬為集賢大學士遼陽行省左丞奇爾巴延布哈為本省平章政事壬戌以宣政院副使實都為太子詹事甲子江西行省平章政事道通加大司徒辛未大鄂爾多儒學教授鄭咄建言蒙古乃國家本族宜教之以禮而猶循本俗不行三年之喪又收繼庶母叔嬭兄嫂恐貽笑後世宜令改革繩以禮法不報丁丑徐

壽輝復陷沔陽府威順王庫春布哈令王子報恩努等
同湖南元帥阿爾斯蘭水陸並進討之至漢川兵敗報
恩努死之庚辰復設仁虞雲需尚供三總管府是月詔安
置托克托于額齊訥路收所賜田土遣兵分守河南陝
西山東諸路閏月壬寅以各衛軍人屯田京畿人給鈔
五錠仍給牛種農器二月己未劉福通等自碭山夾河
迎韓林兒立為皇帝又號小明王建都亳州國號宋改
元龍鳳丙寅以中書平章政事哈斯左丞許有壬並知

經筵事戊辰以太傅御史大夫旺嘉努為中書右丞相
中書平章政事鼎珠為左丞相壬申立淮東等處宣慰
使司都元帥府於天長縣統濠泗義兵萬戶府聽富民
願出丁壯五千名者為萬戶五百名者為千戶一百名
者為百戶丙子以達實特穆爾為中書平章政事提調
留守司平章政事哈斯兼大司農三月癸巳徐壽輝陷
襄陽路甲午授皇太子玉冊錫冕服九旒祇謁太廟辛
丑以監察御史言安置托克托於雲南鎮西路額森特

穆爾於四川碉門托克托長男喀喇章安置肅州次男
三寶努安置蘭州仍籍其家產己酉以知樞密院事重
嘉努知經筵事知樞密院事尼蘇該提調內史府是月
郭子興卒夏四月壬戌中書省臣言江南因盜賊阻隔
所有闕官宜遣人與各省及行臺官以廣東廣西海北
海南三品以下通行遷調五品以下先行照會之任江
浙行省三年一次遷調福建等處闕官亦依前例從之
癸亥以中書平章政事達實特穆爾知經筵事御史中

丞扎薩古遜同知經筵事乙丑以中書右丞藏實左丞
烏克遜良楨分省彰德辛未以御史中丞伯嘉努同知
經筵事中書參議成遵兼經筵官癸酉以左丞相鼎珠
為右丞相平章政事喀瑪爾為左丞相太子詹事僧格
實哩為中書平章政事舒蘇為御史大夫丁丑加知樞
密院事重嘉努太傅是月帝如上都詔翰林待制烏瑪
喇集賢待制孫撫招安張士誠御史臺劾奏中書左丞
呂思誠罷之詔四川等處立宣化鎮南軍民府罷四川

羊母甲洞與南王洞長官司改立忠義軍民安撫司立
汴梁等處義兵萬戶府五月壬辰復襄陽路監察御史
伊埒呼圖克等劾奏河南行省左丞相台哈布哈慢功
虐民詔削其職以達實巴圖爾為河南行省平章代之
庚戌徐壽輝兵自沔陽陷中興路元帥多爾濟巴勒死
之六月戊辰命中書平章政事吹斯戡兼大司農按吹斯戡
自陝西行省復入中書元史宰相表書于九月僧格實
紀于六月已稱為中書平章政事與表不符
哩知經筵事庚辰徵徽州隱士鄭玉為翰林待制不至

按鄭玉被徵元史本傳作十四年事汪克寬作玉行狀亦同

是月朱元璋自和州渡

江取太平路秋七月壬寅徐壽輝復陷武昌漢陽等處是月以親王寶勒們等分守山東四川湖廣諸路並招諭各起兵者八月庚申命南陽等處義兵萬戶府召募毛葫蘆義兵萬人進攻南陽戊辰以中書平章政事達實特穆爾為江浙行省左丞相便宜行事甲戌以大宗正府扎爾古齊德埒默色為甘肅行省平章政事戊寅雲南思可伐等降令其子莽三以方物來貢立平緬宣

撫司四川向思勝降改安定州為軍民安撫司是月帝
還大都詔淮南行省左丞相太平統淮南諸軍討所陷
郡邑仍命湖廣行省平章政事鄂爾和以所部苗軍聽
其節制立沃濟野人濟喇敏等處諸軍萬戶府於哈勒
費延之地九月癸未朔以知嶺北行樞密院事努都爾
噶為中書平章政事乙酉立分海道防禦運糧萬戶府
于平江路是月移置托克托于阿恰齊之地冬十月丁
巳立淮南行樞密院于揚州甲子帝謂右丞相鼎珠等

曰敬天地尊祖宗重事也朕將親祀郊廟務盡誠敬卿等其議典禮從其簡者行之以中書右丞拜珠為平章政事庚午以襲封衍聖公孔克堅同知太常禮儀院事其子希學襲封衍聖公己卯以翰林學士承旨慶通為淮南行省平章政事立黃河水軍萬戶府于小清口十一月壬辰親祀上帝於南郊命太子為亞獻丞相鼎珠為終獻甲午以台哈布哈為湖廣行省左丞相湖廣荆襄諸軍悉聽節制給還原奪宣命庚戌賊陷饒州路是

月達實巴圖爾攻夾河賊大敗之賊陷懷慶命河南行
省右丞布哈討之十二月丁巳命中書參知政事伊呀
森布哈陳敬伯分省彰德癸亥立忠義忠勤萬戶府於
宿州武安州壬申以平章政事特哩特穆爾右丞鄂蘭
並知經筵事參議丁好禮兼經筵官乙亥以天下兵起
下詔罪已大赦是月達實巴圖爾大敗劉福通等於太
康遂圖亳州僞宋主韓林兒遁走安豐哈瑪爾矯詔殺
右丞相托克托是歲詔凡有水田之處設大兵農司招

集人夫有警乘機進討無事栽植播種以中書平章政事拜珠分省濟寧設兵刑戶工四部察罕特穆爾與賊戰於河南北屢有功除中書刑部侍郎

十六年春正月壬午朔改福建宣慰使司都元帥府為

福建行中書省

按元史百官志至正十六年五月置福建等處行中書省于福州紀書于正月

互異已亥詔太尉昂吉爾開府設官屬乙巳以遼陽行省

左丞相約約為太子詹事翰林學士承旨圖烈特穆爾同知詹事院事丙午以知樞密院事實勒們兼太府監

卿庚戌左丞相哈瑪爾罷

按續通鑑載哈瑪爾既相以前進西僧為恥欲事太子以

帝為太上皇語泄因罷之

辛亥御史大夫舒蘇亦罷以吹斯戡為御

史大夫復以鼎珠為右丞相是月徐壽輝建偽都於漢

陽二月癸丑吹斯戡劾哈瑪爾及其弟舒蘇等罪惡帝

曰哈瑪爾兄弟雖有罪然侍朕日久與朕弟伊埒哲伯

皇帝同乳且緩其罰令之出征自劾甲寅命右丞相鼎

珠依前太保中書一切機務悉聽總裁丙辰鼎珠及平

章政事僧格實哩等復奏哈瑪爾兄弟罪惡詔貶哈瑪

爾惠州安置舒蘇肇州安置尋杖殺之丙寅命翰林國
史院太常禮儀院定擬皇后奇氏三代功臣謚號王爵
甲戌命部院正官各舉才堪守令者一人不拘蒙古色
目漢南人聽中書省酌用己卯命集賢直學士楊俊民
致祭曲阜孔子廟是月張士誠陷平江路據之改平江
路為隆平府遂陷湖州松江常州三月壬午徐壽輝復
寇襄陽戊子命宣讓王特穆爾布哈威順王庫春布哈
以兵鎮遏懷慶路庚寅朱元璋取集慶路江南行臺御

史大夫福壽死之

按元史百官志江南行御史臺舊治建康是時以建康文宗潛邸所在改

名集慶路自後集慶失守行臺遂徙紹興矣

丙申徐壽輝陷常德路丁酉立

行樞密院於杭州命江浙行省左丞相達實特穆爾兼

知行樞密院事節制諸軍省院等官並聽調遣朱元璋

取鎮江路戊申方國珍復降授為海道漕運萬戶其兄

方國璋為衢州路總管夏四月辛亥以吹斯戡為中書

左丞相丙辰以資正院使布哈為御史大夫丁巳命左

丞相吹斯戡領經筵事中書平章政事烏蘭哈達御史

大夫布哈並知經筵事庚申以河南行省左丞布呼齊
為湖廣行省平章政事達實巴圖爾加金紫光祿大夫
丙寅命安班太子與陝西行省官同討均房南陽遼陽
行省平章政事奇爾巴延布哈加大司徒丁邲以陝西
行臺御史大夫託多為陝西行省左丞相大司農約約
為遼陽行省左丞相以知樞密院事實勒們分院濟寧
翰林學士承旨托克托同知詹事院事壬申命豫王喇
特納實哩與陝西行省官商議軍機從宜攻討是月帝

如上都五月丙申徐壽輝陷澧州路六月乙丑朱元璋取廣德路秋七月癸未以翰林學士圖魯特穆爾為侍御

史是月朱元璋自稱吳國公

朱元璋稱吳國公謹遵

批通鑑輯覽增

張士誠陷杭州江浙行省平章政事尊達實哩

戰死丞相達實特穆爾遁揚諤勒哲及萬戶普賢努擊敗之復其城八月丙辰奉元路判官王淵等以義兵復商州以淵同知關商襄鄧等處宣慰司事庚午徐壽輝陷衡州路元帥甄崇福戰死是月帝還大都九月庚辰

汝穎賊李武崔德等破潼關參知政事舒魯杰戰死壬午豫王喇特納實哩同知樞密院事鼎珠復潼關河南行省平章政事伯嘉努以兵守之戊戌賊陷陝州及虢州詔以太尉納琳復為江南行臺御史大夫遷行臺治紹興是月察罕特穆爾復陝州及虢州復襲敗賊兵於平陸安邑以功簽河北行樞密院事冬十月罷太尉額森特穆爾淮安城陷淮東道廉訪使褚布哈死之十一月丙戌以魯達實達爾瑪實哩並為詹事是月河南陷

河南廉訪副使溫普遁十二月徐壽輝陷岳州路殺威
順王子岱音特穆爾湖廣參政額森特穆爾與左江義
兵萬戶鄧祖勝合兵復衡州是歲詔沿海州縣為賊所
殘掠者免田租三年賜高年帛河南行省左丞相台哈
布哈駐軍於南陽嵩汝等州叛民皆降軍勢大振陝西
行臺監察御史李尚綱上關中形勝急論凡十有二事
命大司農司屯種雄霸二州以給京師號京糧
十七年春正月丙子朔日有食之以巴延特古斯為大

司徒辛卯命山東分省團結義兵每州添設判官一員
每縣添設主簿一員專率義兵以事守禦仍命各路達
魯噶齊提調聽宣慰使司節制二月壬子李武崔德犯
七盤藍田命察罕特穆爾以軍會達爾瑪雅爾守陝州
潼關哈喇布哈由潼關抵陝西會豫王喇特納實哩及
鼎珠等同進討戊辰知樞密院事托克托復邳州調客
省使蘇爾達袞等攻黃河南岸賊大破之壬申劉福通
遣其黨毛貴陷膠州簽樞密院事托歡死之甲戌徐壽

輝陷陝州是月李武崔德陷商州察罕特穆爾與李思齊以兵自陝號援陝西以察罕特穆爾為陝西行省左丞李思齊為四川行省左丞以高寶為四川行省參知政事將兵取中興不克賊遂破轆轤關三月乙亥義兵萬戶賽富鼎阿穆爾丹叛據泉州庚辰毛貴陷萊州守臣山東宣慰副使沙克嘉竄爾死之壬午朱元璋取常州路甲午毛貴陷益都路益王邁努遁山東郡邑皆陷乙未以江淮行樞密院副使董搏霄為山東宣慰使丁

酉毛貴陷濱州戊戌以中書平章政事特哩特穆爾為御史大夫烏蘭哈達鄂蘭並為中書平章政事夏四月丙午監察御史五十九言今京師周圍雖設二十四營軍卒疲弱素不訓練誠為虛設儻有不測誠可寒心宜速選擇驍勇精銳衛護大駕鎮守京師實當今奠安根本固堅人心之急務況武備莫重於兵而養兵莫先於食今朝廷撥降鈔錠措置農具命總兵官於河南克復州郡且耕且戰甚合寓兵于農之意為今之計權命總

兵官從宜於軍官府選委能撫字軍民者兼路府州縣之職務要農事有成軍民得所則擾民之害益除而匱乏之憂亦釋矣帝嘉納之乙卯毛貴陷莒州辛酉以約約為甘肅行省左丞相達實巴圖爾加太尉四川行省

左丞相

按元史達實巴圖爾傳加太尉在三月與紀異

是月帝如上都朱元璋

取寧國路五月乙亥命知樞密院事布哈齊兵討山東戊寅平章政事齊拉袞特穆爾復武安州等三十餘城丙申以吹斯戡為右丞相太平復為左丞相免天下今

歲稅糧之半六月甲辰朔以實勒們為中書分省右丞
守濟寧丙辰監察御史托克托穆爾言去歲河南之賊
窺伺河北惟河南與山東互相策應為害尤大為今之
計中書當遴選能將就台哈布哈達實巴圖爾阿魯三
處軍馬內擇其精銳以守河北進可以制河南之侵退
可以攻山東之寇庶幾無虞從之己未以特哩特穆爾
魯達實並為御史大夫庚申朱元璋取江陰州壬申額
森特穆爾罷陝西行樞密院是月劉福通犯汴梁其軍

分三道關先生破頭潘馮長舅沙劉二王士誠寇晉冀
白不信大刀教李喜喜趨關中毛貴據山東其勢大振
秋七月庚辰朱元璋取徽州路乙酉命右丞相吹斯戩
領宣政院事平章政事臧布知經筵事參知政事李稷
同知經筵事參知政事諤勒哲特穆爾兼太府卿戊子
以李稷為御史中丞中書省臣言山東般陽益都相次
而陷濟南日危宜選將練卒信賞必罰為保燕趙計以
衛京師不報己丑鎮守黃河義兵萬戶田豐叛陷濟寧

路分省右丞實勒們適義兵萬戶孟本周攻之田豐敗走本周還守濟寧甲午以御史中丞諤勒哲特穆爾為中書右丞河南廉訪使溫普為中書參知政事是月立四方獻言詳定使司歸德府知府林茂萬戶時公權叛以城降賊歸德府及曹州皆陷八月癸丑劉福通兵陷大名路遂自曹濮陷衛輝路達實巴圖爾之子博羅特穆爾與萬戶方托克托擊之乙丑以陝西行臺御史中丞伯奇鼐爾為陝西行省平章政事淮南行省參知政

事余闕為淮南行省左丞

余闕傳載作右丞

江浙行省參知政

事楊諤勒哲為左丞方國珍為江浙行省參知政事海

道運糧萬戶如故是月帝還大都詔知樞密院事努都

爾噶進討山東朱元璋取揚州路張士誠請降

按明史太祖紀

繆大亨克揚州張明鑑降在十月與此異

江浙左丞相達實特穆爾承制令

參知政事周伯琦等至平江撫諭之詔以士誠為太尉

士德為淮南行省平章政事九月丙子命同知樞密院

事壽通以兵討完州以魯達實為中書平章政事仍兼

烏蘭哈雅指揮使甲午澤州陵川縣陷縣尹張輔死之
戊戌台哈布哈復大名路並所屬郡縣是月命努都爾
噶加太尉總諸軍守禦東昌時田豐據濟漢率衆來寇
擊走之徐壽輝將倪文俊謀殺壽輝不果自漢陽奔黃
州別將陳友諒襲殺之友諒遂自稱平章閏月丙午右
丞相吹斯戩左丞相太平並加開府儀同三司平章政
事諤勒哲布哈兼大司農乙丑潞州陷冬十月戊戌曹州
賊入太行山是月白不信大刀敖李喜喜陷興元遂入

鳳翔

按明史韓林兒傳白不信等入鳳翔作是年秋事與元紀異

察罕特穆爾李思

齊屢擊敗之其黨走入蜀達實巴圖爾與知樞密院事

達爾瑪實哩以軍討曹州賊戰敗達爾瑪實哩死之十一

月壬寅賊侵壺關察罕特穆爾大破之戊午以河南行

省平章政事達蘭為中書平章政事御史中丞李獻為

中書左丞陝西行臺中丞巴延特穆爾樞密院副使哈

喇諾海司農少卿崔敬侍御史陳敬伯皆為參知政事

癸亥豫王喇特納實哩與陝西行省左丞相托多陝西

行臺御史中丞伯奇罷爾分道攻討關陝已巳以中書
參知政事巴特瑪實哩為右丞十二月達實巴圖爾卒
於軍中是歲詔天下團結義兵路府州縣正官俱兼防
禦事趙均用及彭大之子早住同據淮安趙僭稱永義
王彭僭稱魯淮王義兵千戶余寶殺其知樞密院事寶
通以叛降於毛貴余寶遂據棣州

十八年春正月丙午陳友諒陷安慶路淮南行省右丞
余闕死之庚戌朱元璋取婺源州甲子以布哈齊知樞密

院事丙寅田豐陷東平路是月以達實巴圖爾子博羅
特穆爾為河南行省平章政事總領其父原管軍馬詔
察罕特穆爾屯陝西李思齊屯鳳翔二月己巳朔定團
結西山寨大小十一處設萬夫千夫百夫長分守要害
毛貴陷清滄州遂據長蘆鎮中書省臣奏以陝西軍旅
事劇務殷去京師道遠供費艱難請就陝西印造寶鈔
詔分戶部寶鈔庫等官置局印造仍命諸路撥降鈔本
界平準行用庫例易昏幣布於民間癸酉毛貴陷濟南

路山東宣慰使董搏霄死之辛巳以台哈布哈為中書
右丞相總兵山東壬午田豐復陷濟寧路甲申輝州陷
丙戌努都爾噶聞田豐漸逼東昌棄城走丁亥察罕特
穆爾復涇州平涼保鞏昌戊子田豐陷東昌路庚寅王
士誠自益都犯懷慶路周全擊敗之辛卯以安圖為中
書參知政事丁酉興元路陷三月己亥朔加右丞相吹
斯戡太保庚子毛貴陷般陽路癸卯王士誠陷普寧路
總兵杜賽音布哈死之甲辰察罕特穆爾遣賽音齊等

復晉寧路庚戌毛貴陷薊州詔徵四方兵入衛乙卯毛貴犯瀋州至棗林樞密副使達國珍戰死遂畧柳林同知樞密院事劉哈喇布哈擊敗之貴走據濟南丙辰朱元璋取建德路

按明史太祖紀鄧愈克建德路在三月己酉此作丙辰互異

以周全

為湖廣行省參知政事統鄂囉等軍移鎮嵩州白龍寨冀寧路陷丁巳田豐陷益都路辛酉大同諸縣陷察罕特穆爾遣關保等往擊之是時賊分二道犯晉冀一出沁州一侵絳州乙丑以婁章為太子少保夏四月甲申

陳友諒陷龍興路省臣道通和尼齊棄城遁

按乙丑壬午間不應

有甲申日考陳友諒及各傳其陷龍興路皆不詳時日應係壬申或甲戌之訛他無可考謹仍原文壬午

田豐陷廣平路大掠退保東昌元帥方托克托復廣平

甲午陳友諒陷瑞州路是月帝如上都察罕特穆爾李思

齊會宣慰張良弼等兵討李喜喜于鞏昌喜喜敗入蜀

察罕特穆爾駐清秋李思齊駐斜坡張良弼駐秦州郎中

郭擇善駐崇信宣慰同知拜特穆爾駐通渭平章鼎珠

駐臨洮各自除官屬徵納軍需既而思齊良弼襲殺拜

特穆爾分總其兵五月戊戌朔察罕特穆爾遣董克昌等以兵復冀寧以方國珍為江浙行省左丞兼海道運糧萬戶詔察罕特穆爾還兵鎮冀寧李思齊殺郭擇善庚子賊兵踰太行察罕特穆爾部將關保擊敗之以察罕特穆爾為陝西行省右丞兼陝西行臺侍御史同知河南行樞密院事劉福通攻汴梁壬寅汴梁守將竹貞棄城遁福通等乃自安豐迎其主韓林兒居之以為都庚戌陳友諒陷吉安路癸丑監察御史七十等劾太保

中書右丞相台哈布哈緩師拒命之罪乙卯削台哈布哈官爵安置蓋州時台哈布哈總兵山東以知行樞密院烏蘭哈達代之節制河北諸軍河南行省平章政事周全節制河南諸軍辛酉陳友諒陷撫州路是月察罕特穆爾以劉尚質為冀寧路總管六月戊辰朔日有食之台哈布哈伏誅察罕特穆爾調浩爾齊關保同守潞州以察罕特穆爾為陝西行省平章政事便宜行事庚辰關先生破頭潘等陷遼州浩爾齊擊走之關先生等

遂陷冀寧路乙酉命左丞相太平督諸軍守禦京城秋
七月丁酉朔周全據懷慶路以叛附於劉福通殺守將
盡驅懷慶民渡河入汴梁癸丑有賊兵犯京城刑部郎
中布哈擊退之己未劉福通遣周全攻洛陽守將登城
以大義責之全愧謝而退劉福通殺之丙寅以旺布喀
托克托特穆爾為中書平章政事八月庚辰陳友諒陷
建昌路辛巳義兵萬戶王信以滕州叛降於毛貴庚寅
以魯達實為御史大夫詔作新風紀九月丁酉朔關先

生攻保定路不克遂陷完州掠大同興和塞外諸郡壬寅以中書參知政事布延布哈治書侍御史李國鳳經畧江南癸卯以福建行中書省平章政事慶通為江南行臺御史大夫丙午賊兵攻大同路壬戌平定州陷乙丑陳友諒陷贛州路江西行省參知政事沁布阿咱爾及總管噶海齊死之冬十月壬申朱元璋取蘭溪州壬午監察御史楊珠布哈劾右丞相吹斯戩貪誤國詔收其印綬壬辰大同路陷達嚕噶齊諤勒哲特穆爾棄

城逾十一月乙未朔以布哈特穆爾為福建行省平章
政事癸卯陳友諒陷汀州路丁未田豐陷順德路十二
月乙丑朔日有食之癸酉關先生破頭潘等陷上都焚
宮闕轉畧遼陽遂至高麗庚辰察罕特穆爾遣樞密院
判官索珠進兵遼陽甲申朱元璋取婺州路達魯噶齊
僧珠浙東廉訪使楊惠死之

十九年春正月甲午朔陳友諒陷信州路守臣江東廉
訪副使巴延布哈德濟力戰死之

按續通鑑陳友諒陷
信州巴延布哈德濟

死節俱在是年六月元史

巴延布哈德濟傳亦同 朱元璋取諸暨州乙巳以多

爾濟巴勒為中書平章政事丙午遼陽行省陷懿州路
總管呂震死之二月甲申叛將梁炳攻陳州守將和尚
擊敗之以和尚為湖廣行省參知政事賊由飛狐靈丘
犯蔚州是月詔博囉特穆爾移鎮大同捍蔽京師置大都
督兵農司仍置分司十道專督屯種以博囉特穆爾領
之所在侵奪民田不勝其擾台哈布哈潰散之兵數萬
抄掠山西察罕特穆爾遣陳東立分兵駐榆次招撫之其

首領悉送河南屯種三月癸巳朔陳友諒遣兵由信州
畧衢州復遣兵陷襄陽路壬戌詔定科舉流寓人名額
夏四月甲子毛貴為趙均用所殺以天下多故卻天壽
節朝賀己丑賊陷寧夏路遂畧靈武等處五月壬辰朔
以陝西行臺御史大夫諤勒哲特穆爾為陝西行省左
丞相便宜行事壬寅察罕特穆爾請今歲八月鄉試河
南舉人及避兵儒士不拘籍貫依河南省原定額數就
陝州置貢院應試從之是月察罕特穆爾大發秦晉諸

軍討汴梁圍之六月辛巳以宣徽使雅克科爾為御史大夫秋七月壬辰朔出吹斯戩為遼陽行省左丞相便宜行事戊申命國王囊嘉特等統軍征遼陽丙辰毛貴黨續繼祖自遼陽入益都殺趙均用八月辛酉朔倪文俊餘黨陷歸州戊寅察罕特穆爾破汴梁劉福通奉其主韓林兒復走安豐己卯以察罕特穆爾為河南行省平未政事兼同知河南行樞密院事陝西行臺御史中丞九月癸巳以中書平章政事特哩特穆爾為陝西行

省左丞相便宜行事乙巳以湖南北浙東西四道廉訪

司所治之地皆陷詔任其所便之地置司

按元史百官志任其所便

之地置廉訪司在十八年與紀異

丁未禁軍人不得私殺牛馬是月朱

元璋取衢州路遣兵部尚書巴延特穆爾戶部尚書曹

履亨以御酒龍衣賜張士誠徵海運糧

時中原既亂江南海漕久不至

京師銀一錠易米八斗民大飢至是河南始通故徃徵之

冬十月庚申朔詔京師十

一門皆築甕城造弔橋以方國珍為江浙行省平章政

事十一月癸卯朱元璋取處州路

按明史太祖紀胡大海克處州在十一月

壬寅與
此小異

戊申陳友諒陷杉關十二月太子使監察御史

誣成遵趙中以賊罪杖殺之是歲陳友諒以江州為都
迎其主徐壽輝居之自稱漢王

二十年春正月己丑朔察罕特穆爾請以鞏縣改立軍
州萬戶府招民屯種從之癸卯大寧路陷壬子以危素
為參知政事二月戊午朔左丞相太平罷為太保留守
上都三月戊子朔田豐陷保定路乙巳冀寧路陷壬子
以吹斯戡為中書右丞相夏四月庚申命大司農司都

事樂元臣招諭田豐至其軍為豐所害辛未簽行樞密院事張居敬復興中州五月丁亥朔日有食之陳友諒殺其主徐壽輝自稱皇帝國號大漢乙未陳友諒遣羅中顯陷辰州己亥以班珠爾瑪克為中書平章政事是月張士誠海運糧十一萬石至京師閏月己未以太尉雅克特穆爾知經筵事以甘肅行省左丞相昂吉爾為太尉六月己丑察罕特穆爾與博囉特穆爾爭晉冀互相讐殺帝下詔令各守信地毋得越境侵犯是月朱元

璋取信州路

按明史太祖紀胡大海克信州在閏五月與此異

秋七月辛酉命

遼陽行省參知政事張居敬討義州賊博囉特穆爾敗

王士誠於臺州乙亥詔博囉特穆爾總領達勒達漢兒

軍馬為總兵官仍便宜行事八月戊子命博囉特穆爾

守石嶺關以北察罕特穆爾守石嶺關以南乙未永平

路陷甲辰詔諸處權攝官專務漁獵百姓今後非朝命

不得之任庚戌江浙行省左丞相達實特穆爾加太尉

兼知江浙行樞密院事提調行宣政院事便宜行事九

月乙卯朔遣參知政事額森布哈往諭博囉特穆爾察罕特穆爾令講和時博囉特穆爾調兵自石嶺關直抵冀寧圍其城三日復退屯交城察罕特穆爾調參政閻奉先引兵與戰已而各於石嶺關南北守禦壬戌賊陷孟州又陷趙州攻真定路癸未賊復犯上都右丞孟克特穆爾引兵擊之敗績冬十月甲申朔以張良弼為湖廣行省參知政事討南陽襄樊詔博囉特穆爾守冀寧遣軍倍道赴之丙戌命塔爾布斯為太尉守衛大鄂爾

多斯己亥察罕特穆爾遣陳秉直索珠等以兵攻博羅
特穆爾之軍於冀寧與其部將圖魯卜戰敗之十一月
癸酉賊犯易州十二月丙戌詔太廟影堂祭祀乃子孫
報本重事近兵興歲歎品物不能豐備累朝四祭減為
春秋二祭今宜復四祭後竟不行辛卯廣平路陷是歲
陽翟王阿勒呼木特穆爾擁兵數十萬屯於穆爾古楚
之地將犯京畿使來言曰祖宗以天下付汝汝已失其
大半若以國璽付我我當自為之帝遣報之曰天命有

在汝欲為則為之命樞密院事圖沁特穆爾等將兵擊之不克軍士皆潰圖沁特穆爾走上都

二十一年春正月癸丑朔大赦命中書參知政事七十往諭博囉特穆爾罷兵還鎮復遣使往諭察罕特穆爾亦令罷兵時博囉特穆爾縱兵掠冀寧等處察罕特穆爾以兵拒之故有是命丁卯李思齊進兵平伏羗等處二月甲申同簽樞密院事特哩特穆爾復永平灤州等處是月江南行臺侍御史巴咱爾布哈殺廣東廉訪使

諤勒哲圖副使李思誠僉事特默齊以兵據廣州三月
張士誠海運糧一十一萬石至京師博囉特穆爾罷兵
還圖魯卜等引兵據延安謀入陝夏四月辛巳朔日有
食之是月以張良弼為陝西行省參知政事察罕特穆
爾遣其子副詹事庫庫特穆爾貢糧至京師五月癸丑
四川明玉珍陷嘉定等路李思齊遣兵擊敗之是月李
思齊收李武崔德等路六月丙申察罕特穆爾總兵討
山東發晉軍下井陘出邯鄲過磁相懷衛踰白馬津發

其軍之在汴梁者繼之水陸並進秋七月辛亥察罕特
穆爾平東昌是月察罕特穆爾進兵復冠州八月庚子
以福建行省平章政事布哈特穆爾為江南行臺御史
大夫癸卯朱元璋取江州路偽漢陳友諒退都武昌是
月察罕特穆爾遣其子庫庫特穆爾閻思孝等討田豐
直搗東平大破之豐降令為前鋒從大軍東討棣州俞
寶東平王士誠東昌楊誠濟南劉珪等皆降魯地悉定
遂圍益都九月戊午陽翟王阿勒呼木特穆爾兵敗部

將托歡擒送闕下詔誅之以其弟呼圖克特穆爾襲封
陽翟王壬戌四川賊兵陷東川郡縣李思齊調兵擊之
是月命兵部尚書齊齊克布哈侍郎韓祺徵海運糧於
張士誠朱元璋取建昌饒州二路冬十月癸巳以察罕
特穆爾為中書平章政事兼知河南山東等處行樞密
院事陝西行御史臺中丞察罕特穆爾調參知政事陳
秉直劉珪等守禦河南十一月察罕特穆爾李思齊遣
兵圍鹿臺攻張良弼詔和解之俾各還信地兵乃解是

歲京師大飢屯田成收糧四十萬石賜司農丞胡秉彝
上尊金幣以旌其功

二十二年春正月甲寅詔李思齊討四川張良弼平襄
漢時兩軍不和故有是命庚申朱元璋取江西龍興諸
路丁卯以太尉諤勒哲特穆爾為陝西行省左丞相仍
命察罕特穆爾屯種於陝西申諭李思齊張良弼等各
以兵自効以額森布哈為中書右丞二月丁丑朔盜殺
陝西行省右丞塔布台三月甲寅四川明玉珍陷雲南

省治屯金馬山陝西行省參政徹爾特穆爾等擊敗之擒其弟明二是月以博囉特穆爾為中書平章政事加太尉李思齊攻張良弼於武功良弼擊破之夏五月乙巳朔泉州賽富鼎據福州路福建平章楊珠布哈擊敗之餘衆航海還據泉州福建參政陳友定復汀州路辛未明玉珍據成都自稱隴蜀王遣其將楊尚書守重慶分兵寇龍州青州犯興元鞏昌等路是月張士誠海運糧一十三萬石至京師六月戊子田豐王士誠刺殺察

罕特穆爾走入益都詔以其子庫庫特穆爾為中書平章政事兼知河南山東等處行樞密院事一應軍馬並聽節制仍諭將士力圖報復以伸大義秋八月己亥庫庫特穆爾言博囉特穆爾張良弼據延安掠黃河上下欲東渡以奪晉寧乞賜詔諭九月癸卯朔劉福通以兵援田豐至火星埠庫庫特穆爾遣關保邀擊大破之冬十月壬申朔命江西平章圖烈布哈分省廣州執巴咱爾布哈殺之甲戌博囉特穆爾南侵庫庫特穆爾分地

據真定路十一月乙巳庫庫特穆爾復益都田豐王士誠伏誅庚戌庫庫特穆爾遣關係復莒州山東悉平庚申加庫庫特穆爾太尉便宜行事癸卯四川賊陷青州十二月庚子以中書平章政事佛嘉努為御史大夫二十三年春正月壬寅朔明玉珍僭稱帝於成都建國號曰夏二月庫庫特穆爾自益都領兵還河南張士誠遣將呂珍入安豐殺劉福通據其城朱元璋擊走之以韓林兒歸滁州三月辛丑朔詔中書平章政事阿布喀

分省冀寧庫庫特穆爾遣兵據之丙午大赦是月立廣
西行中書省以廉訪使額爾吉訥為平章政事時南方
郡縣多陷沒惟額爾吉訥獨保廣西者十五年是春關
先生餘黨復自高麗還寇上都博囉特穆爾擊降之夏
四月博囉特穆爾李思齊互相攻擊庫庫特穆爾遣摩
該等擊張良弼五月己巳朔張士誠海運糧十三萬石
至京師六月戊戌朔博囉特穆爾遣方托克托迎匡福
於彰德庫庫特穆爾遣兵追之敗還匡福遂據保定路

己亥庫庫特穆爾部將岱律等駐兵藍田七盤李思齊
攻圍興平遂據藍屋博囉特穆爾時奉詔進討襄漢請
催督庫庫特穆爾東出潼關道路既通即便南討戊申
博囉特穆爾遣珠展等入陝西據省治庫庫特穆爾遣
部將摩該與李思齊合攻之珠展出降秋七月丁丑以
馬良為中書參知政事八月丁酉朔倭人寇蓬州守將
劉暹擊敗之辛丑庫庫特穆爾遣兵侵博囉特穆爾所
守之境是月朱元璋與偽漢兵大戰於鄱陽湖陳友諒

敗死其子理自立九月張士誠自稱吳王來請命不報

遣戶部侍郎博囉特穆爾等

此與下舉兵犯關之博囉特穆爾非一人

徵海

運於張士誠士誠不與冬十月己酉監察御史敏珠爾

哈雅劾奏太傅太平罪狀詔安置於土蕃未至逼令自

殺是月庫庫特穆爾遣簽樞察院事任亮復安陸府博

囉特穆爾遣兵攻冀寧至石嶺關庫庫擊走之擒其將

烏瑪喇殷興祖博囉軍由是不振十一月壬申詔復故

丞相托克托所授宣命是歲御史大夫魯達實與知樞

卷七十
密院事圖沁特穆爾得罪於太子奔大同博囉特穆爾
匿之營中

二十四年春正月朱元璋自立為吳王二月吳王元璋
圍武昌陳理降三月辛卯太子矯詔削博囉特穆爾官
爵奪其兵博囉拒命不受夏四月甲午朔命庫庫特穆
爾討博囉特穆爾乙未博囉特穆爾令圖沁特穆爾舉
兵向關壬寅圖沁特穆爾兵入居庸關癸卯知樞密院
事伊蘇詹事布呼齊迎戰敗績甲辰皇太子率侍衛兵

出光熙門東走古北口趨興松乙巳圖沁特穆爾兵至
清河列營都城大震使達勒達國師至軍前問故以必
得右丞相吹斯戡宦官保布哈為對詔復博羅特穆爾
官爵仍總兵以慰解之不聽丁未詔屏吹斯戡於嶺北
竄保布哈於甘肅執而與之以伊蘇為左丞相庚戌圖
沁特穆爾陳兵自健德門入覲帝於延春閣慟哭請罪
帝宴賚之加博羅特穆爾太保仍守大同圖沁特穆爾
為中書平章政事

按博羅特穆爾舉兵犯關通商餽名
悖逆已甚太子蓄積私怨結黨肆行

不復知有君父其罪亦無可解免皆由順帝平日宴安姑息紀綱不振有以致之伏讀通鑑輯覽

批

上示君道下凜臣子之分名義昭垂謹錄識之辛亥圖沁特穆爾軍還皇太子

至路兒嶺詔追及之還宮五月戊辰復命庫庫特穆爾討博囉特穆爾東道以白索珠領兵三萬守禦京師中道以摩該珠展領兵四萬西道以闕保領兵五萬合擊之闕保等兵逼大同博囉特穆爾留兵據守而自率兵與圖沁特穆爾魯達實復大舉向闕六月甲寅白索珠以兵至京師請皇太子西行秋七月丙戌博囉特穆爾

前軍入居庸關太子親率兵禦於清河伊蘇軍于昌平
軍士皆無鬪志太子馳還都城白索珠引兵入平則門
丁亥白索珠扈從皇太子出順承門由雄霸河間取道
往冀寧戊子博囉特穆爾駐兵健德門外與圖沁特穆
爾魯達實入見帝于宣文閣庚寅以博囉特穆爾為中
書左丞相魯達實為中書平章政事圖沁特穆爾為御
史大夫其部屬布列省臺百司以伊蘇為樞密院事詔
諭博囉特穆爾庫庫特穆爾俱朕股肱視同心膂自今

各棄宿忿弼成大勲是月吳王元璋取廬州路八月壬辰朔日有食之壬寅以博囉特穆爾為中書右丞相監修國史節制天下軍馬乙巳太子至冀寧乙卯張士誠逐達實特穆爾以其弟士信代為江浙行省左丞相南臺御史大夫布哈特穆爾不從死之是月博囉特穆爾請誅狎臣圖魯特穆爾布達斡爾密罷三宮不急造作沙汰宦官減省錢糧禁止西番僧人作佛事九月辛酉朔宦官斯隆尼潛送宮女布呼圖出順承門以達於皇

太子是月吳王元璋取中興及歸峽潭衡等路冬十月
己未詔諭太子還京師命伊蘇魯達實分道總兵

二十五年春正月癸亥封李思齊為許國公己巳吳王
元璋取寶慶路守將唐隆道遁走偽漢守將熊天瑞以
贛州及韶州南雄降于吳三月庚申皇太子下令于庫
庫特穆爾軍中曰博羅特穆爾襲據京師余既受命總
都天下諸軍恭行顯罰少保中書平章政事庫庫特穆
爾躬勒將士分道進兵諸王駙馬及陝西平章政事李

思齊等各統軍馬尚其奮義戮力尅期恢復丙寅博囉
特穆爾幽皇后奇氏於諸色總管府丁卯命魯達實拜
特穆爾並為御史大夫夏四月庚寅博囉特穆爾逼后
還宮取印章偽為后書召太子遣內侍官諤勒哲圖持
往冀寧后出復幽之乙巳關保等兵進圍大同乙卯遂
入之五月乙亥吳王元璋破安陸府守將任亮迎戰被
執己卯吳王元璋破襄陽路六月戊子以黎安道為中
書參知政事辛丑湖廣行省左丞周文貴復寶慶路乙

已皇后奇氏還宮乙卯以太尉和尼齊為御史大夫是月太子加李思齊祁國公秋七月乙酉博囉特穆爾伏誅圖沁特穆爾魯達實皆北遁丙戌遣使函博囉特穆爾首往冀寧召太子還京師大赦黎安道方托克托雷一聲皆伏誅八月丁亥朔京城門至是不開者三日珠展摩該軍至城外命軍士緣城而上碎平則門鍵以入大掠都市癸卯詔皇太子分調將帥戡定未復郡邑承制用人並准正授丁未皇后鴻吉哩氏崩壬子以洪巴

拜特古斯布哈訥呼圖並為中書平章政事九月庫庫
特穆爾扈從太子至京師壬午以巴咱爾為太師中書
右丞相兼修國史庫庫特穆爾為太尉中書左丞相錄
軍國重事同監修國史知樞密院事兼太子詹事是月
以方國珍為淮南行省左丞相分省慶元冬十月壬寅
以哈喇章為知樞密院事丁未益王昀都特穆爾樞密
副使觀音努擒魯達實誅之圖沁特穆爾以餘兵往巴
爾斯之地命嶺北行省左丞相舒蘇及知樞密院事魏

賽音布哈同討之戊申以資政院使圖魯為御史大夫
閏月庚申以賓國公五十八為知樞密院事詔張良弼
俞寶孔興等悉聽庫庫特穆爾調遣辛未庫庫特穆
爾河南王代太子親征總制關陝晉冀山東迤南一應
軍馬聽便宜行事辛巳以托克托穆爾為中書右丞達
實特穆爾為參知政事十一月吳王元璋取秦州十二
月乙卯立次皇后奇氏為皇后改奇氏為索隆噶氏癸
亥以德呼蘇為中書參知政事是月圖沁特穆爾伏誅

二十六年春正月己酉以崇政院使博羅實勒為御史大夫王子以溫扎木知樞密院事是月以薩蘭托里為中書左丞相命燕南河南山東陝西河東等處舉人會試者增其額數進士及第以下遞升官一級二月癸丑朔立河淮水軍元帥府于孟津縣是月庫庫特穆爾還河南分立省部以自隨調度各處軍馬陝西張良弼不應三月癸未朔罷洛陽嵩縣宣慰司甲午庫庫特穆爾遣闊保浩爾齊以兵西攻張良弼於鹿臺以曼濟托克

托穆爾知樞密院事是月吳王元璋取高郵府夏主明
玉珍卒子昇立夏四月吳王元璋取淮安路徐州宿州
濠州泗州潁州安豐路五月甲辰以托克托布哈為御
史大夫秋七月辛巳朔日有食之甲申以李思齊為太
尉丙申庫庫特穆爾遣朱珍盧旺屯兵河中遣關保浩
爾齊合兵渡河會珠展商曷且約李思齊以攻張良弼
良弼遣子弟質於思齊合兵拒守關保等不利思齊請
詔和解之八月戊寅以李國鳳為中書左丞陳友定為

福建行省平章政事九月甲申李思齊兵下鹽井獲川賊余繼隆誅之禮部侍郎滿尚賓吏部侍郎溫都爾罕自鳳翔還京師先是尚賓等持詔諭思齊開通川蜀道路思齊方兵爭不奉詔尚賓等留鳳翔一年至是始還丙戌以方國珍為江浙行省左丞相弟國瑛國珉姪明善並為江浙行省平章政事己亥以中書平章政事實勒們為御史大夫冬十月甲子庫庫特穆爾遣其弟托音特穆爾及摩該諤勒哲等駐兵濟南控制山東十一

月甲申吳王元璋取湖州路丙申取杭州路及紹興路
辛丑取嘉興路十二月吳王元璋立宗廟社稷韓林兒卒

二十七年春正月庚子吳王元璋取松江府癸卯取沅
州路是月李思齊張良弼圖魯卜為會於舍元殿基推

李思齊為盟主同拒庫庫特穆爾二月

按續通考載是
年二月朔日食

元史本
紀失載

庚申以邁珠為雲國公七十為中書平章政事

伊魯布哈為御史大夫乙丑以詹事伊魯特穆爾為御
史大夫夏五月戊寅以空名宣敕下福建行省命平章

政事庫春陳友定同驗有功者給之癸未福建行宣政院以廢寺錢糧由海道送京師乙酉以諤勒哲特穆爾為中書右丞相己亥以溫晉為中書平章政事辛丑庫庫特穆爾定擬其所屬官員二千六百一十人從之是月李思齊遣張良弼部將郭謙等守黃連寨庫庫特穆爾部將關保浩爾齊商罵珠展引兵拔其寨郭謙走會摩該等為變關保浩爾齊夜遁李思齊遂據長安六月丙午朔日有食之晝晦秋七月李思齊遣許國佐薛穆

飛會張良弼圖魯卜兵屯于華陰時命圖魯為陝西行
省左丞相思齊不悅遣其部將鄭應祥守陝西而自還
鳳翔八月丙午詔以皇太子總天下兵馬其畧曰元良
重任職在撫軍稽古徵今卓有成憲故察罕特穆爾仗
義興師獻功敵愾為國捐軀深可哀悼其子庫庫特穆
爾克繼先志用成駿功會太子阿裕實哩達喇計安宗
社累請出師朕以國本至重詎宜輕出遂授庫庫特穆
爾總戎重寄畀以王爵俾代其行李思齊張良弼等各

懷異見搆兵不已以致盜賊愈熾深遺朕憂況全齊密
邇輦轂儻失早計恐生異圖詢諸衆謀僉謂太子聰明
仁孝文武兼資爰命以中書令樞密使悉總天下兵馬
諸王駙馬各道總兵將吏一應軍機政務生殺予奪事
無輕重如出朕裁其庫庫特穆爾總統本部軍馬自潼
關以東肅清江淮李思齊總統本部軍馬自鳳翔以西
進取川蜀以少保圖魯為陝西行省左丞相本省駐劄
總本部及張良弼孔興圖魯卜各軍進取襄樊王信本

部軍馬固守信地別聽調遣詔書到日汝等悉宜洗心
滌慮同濟時艱詔書雖下而太子不果行庫庫特穆爾
亦不奉命于是其部將關保摩該等皆叛庚戌摩該殺
衛輝守禦官徐仁輔彰德守禦官范國英引軍至清化
欲襲懷慶聞庫庫有備遂還彰德乃上疏列其罪狀于
朝詔以庫庫特穆爾不遵君命宜黜其兵權就令摩該
討之辛亥特穆爾布哈進封淮王壬子子為皇太子立大
撫軍院癸丑封太師巴咱爾永平王甲寅以右丞相謬

勅哲特穆爾翰林承旨達爾瑪並知大撫軍院事辛酉
以謬勒哲特穆爾仍前少帥知樞密院事伊蘇仍前太
保中書右丞相特哩特穆爾以太尉為添設中書左丞
相壬申命特哩特穆爾仍前太尉左丞相為知大撫軍
院事中書右丞陳敬伯為中書平章政事九月丁丑以
兵起迤南百姓供給繁重免真定河南陝西山東冀寧
等處今年田租之半其餘雜泛一切住罷辛巳吳王元
璋取平江路執張士誠以歸乙酉吳王元璋取通州丁

亥取無錫州己丑詔伊蘇以中書右丞相分省山東薩
蘭托哩以中書左丞相分省大同己亥命特哩特穆爾
提調端本堂及領經筵事辛丑吳王元璋取台州路時
台州溫州慶元三路皆方國珍所據冬十月甲辰朔摩
該以兵入山西定孟州忻州下崞州遂攻真定詔伊蘇自
河間以兵會摩該取真定不克命伊蘇還河間摩該還
彰德乙巳皇太子奏以淮南行省平章政事王信為山
東行省平章政事兼知行樞密院事立中書分省于真

定路丙午加司徒淮南行省平章政事王宣為沂國公
壬子落庫庫特穆爾太傅中書左丞相并諸兼領職事
仍前河南王以汝州為其食邑其弟托音特穆爾以集
賢學士同居河南其帳前諸軍索珠浩爾齊統之河南
諸軍李克彝統之關保仍統本部諸軍山東諸軍伊蘇
統之山西諸軍薩蘭托里統之河北諸軍摩該統之大
赦甲寅以浩爾齊為中書平章政事乙丑以集賢大學
士丁好禮為中書添設平章政事丙寅平章內史關保

封許國公己巳吳王元璋取溫州十一月壬午取沂州
守臣王信遁癸未取慶元路方國珍迎降丙戌以平章
政事伊魯特穆爾知樞密院事諤勒哲特穆爾平章政
事己延特穆爾德呼蘇並知撫軍院事戊子吳王元璋
取嶧州乙未以知樞密院事摩該為中書平章政事太
尉中書左丞相特哩特穆爾為撫軍院使丁酉命關保
分省于晉寧辛丑吳王元璋取益都路平章政事己拜
降宣慰使布延布哈總管胡濬知院張俊皆死之十二

月癸卯朔日有食之丁未吳王元璋取般陽路戊申取濟寧路陳秉直遁乙酉取萊州遂取濟南及東平路丁巳入杉關取邵武路庚申以楊誠陳秉直並為國公中書平章政事甲子命右丞相伊蘇等會楊誠陳秉直巴延布哈俞勝各部軍同守山東又命關保往援山東丙寅以章嘉為中書參知政事庚午吳王元璋由海道取福州守臣平章政事庫庫遁行宣政院使托爾死之是月詔陝西行省左丞相圖魯總統張良弼圖魯卜孔興

等軍以李思齊為副總統守關中仍令圖魯卜孔興等
出潼關渡河合勢東行共勤王事思齊等不奉命是歲
詔分潼關以西屬李思齊以東屬庫庫特穆爾各罷兵
還鎮于是關保退屯潞州商蒿留屯潼關

二十八年春正月壬申朔皇太子命關保固守晉寧總
統諸軍以中書平章政事巴延特穆爾為御史大夫乙
亥吳王朱元璋即皇帝位于建康國號曰明建元洪武
是月明兵取建寧延平二路陳友定被執二月壬寅朔

欽定四庫全書

欽定續通志

卷七十

五十

削庫庫特穆爾爵邑令圖魯李思齊等討之

按明史庫特穆爾

傳順帝削庫庫太傅中書太丞相令以河南王就食邑汝南分其軍隸諸將庫庫既受詔即退軍駐澤州其部將關保亦叛歸于朝朝廷知庫庫勢孤乃詔李思齊等東出關合兵攻之庫庫憤甚引兵據太原盡殺朝廷所置官吏于是下詔盡削其官爵令諸軍四面討之元史本紀俱畧之癸丑明兵取東昌路

守將申榮王輔元死之丙辰庫庫特穆爾自澤州退守

晉寧關保守澤潞二州與摩該軍合己未明兵取寶慶

路甲子汀州路總管陳谷珍以城降於明丙寅明兵取

棣州是月明兵至河南李思齊張良弼等解兵西還詔

知樞密院事托和齊平章政事魏賽音布哈進攻晉寧
興化泉漳潮四路皆降于明三月明兵取河南李思齊
張良弼會兵駐潼關明兵攻入之思齊奔鳳翔明兵又
取永惠二路夏四月辛丑朔取英德州戊申取廣州路
又取嵩陝汝等州五月庚午朔取道州李克昇棄河南
城奔陝西推李思齊為總兵駐兵岐山是月李思齊部
將和琳台托克托張意據藍屋商嵩據武功李克昇據
岐山任從政據隴州六月癸丑明兵取全柳梧藤潯諸

欽定四庫全書

欽定四庫全書

卷七十

五

州貴象鬱林等郡及靜江路是月廣西諸郡縣皆附于
明秋七月乙亥摩該關保以兵攻晉寧是月李思齊會
李克昇商嵩張意圖魯卜等于鳳翔海南海北諸郡縣
皆降于明閏月己亥朔庫庫特穆爾與摩該關保戰敗
之擒關保摩該遣其斷事官以聞詔關保摩該間謀搆
兵可依軍法處治關保摩該皆被殺辛丑明兵取衛輝
路癸卯取彰德路乙巳左江右江諸路皆降于明丁未
明兵取廣平路丁巳罷大撫軍院誅知大撫軍院事巴

延特穆爾等詔復命庫庫特穆爾仍前河南王太傅中書左丞相統領見部軍馬由中道直抵彰德衛輝太保中書右丞相伊蘇統率大軍經由東道水陸並進少保陝西行省左丞相圖魯統率關陝諸軍東出潼關攻取河洛太尉平章政事李思齊統率軍馬南出七盤金商克復汴洛四道進兵犄角勦捕毋分彼此秦國公平章知樞密院溫普平章索珠等軍東西布列飛機掃珍太尉遼陽左丞相額森布哈郡王知樞密院和遜等軍捍

禦海口藩屏畿輔皇太子阿裕實哩達喇悉總天下兵
馬裁決庶務具如前詔甲子庫庫特穆爾自晉寧退守
冀寧明兵至通州知樞密院事巴延特穆爾力戰被擒
死之左丞相實勒們傳詔令太常禮儀院使鄂勒歡等
奉太廟列室神主與皇太子同北行乙丑始罷內府興
造詔准王特穆爾布答監國慶通為中書左丞相同守
京城丙寅帝御清寧殿集三宮后妃皇太子皇太子妃
同議避兵北行左丞相實勒們及知樞密院事答斯官

者趙已延布哈等諫以為不可不聽已延布哈慟哭曰
天下者世祖之天下陛下當以死守奈何棄之臣等願
率軍民及諸集賽台出城拒戰願陛下固守京城卒不

聽夜半帝開健德門北去陳祖仁為亂軍所害八月庚

午

元史作庚申按明兵入京城鴻猷錄載係八月二日
事以上文閏七月已亥朔推之應作庚午方與干支

合謹改明兵入京城元亡特穆爾布哈慶通丁敬可郭允

中死之後一年帝駐于應昌府又一年四月丙戌殂年
五十一太尉諤勒哲院使觀音努奉梓宮北葬五月癸

卯明兵襲應昌府皇孫密迪哩巴拉及后妃并寶玉皆被獲太子阿裕實哩達喇從十數騎遁明主以帝知順

天命退避而去特加號曰順帝封密迪哩巴拉為崇禮

侯

歷代建元考云順帝駐應昌一年而祖國人諺曰惠宗太子嗣立改元宣光凡十一年諺曰昭宗按高麗

史云順帝北走駐應昌太子阿裕實哩達喇嗣立從和琳改元宣光稱北元時洪武十年也明年斗察喇特穆

爾立北元遣使告高麗繼又以改元天元告則繼順帝而建元者非止宣光矣朔漢圖考云洪武元年八月

明兵取燕都元主攜歷代傳國璽遁出塞三年殂于應昌太子阿裕實哩達喇稱帝于漠北傳位于子特古斯

特穆爾復為其下伊蘇岱爾所弑其臣復立家特穆爾為汗建文三年殂以果勒齊為汗永樂改元屢遣書招

輸不服八年車駕親征至郭諾河十二年再征追至圖
拉河二十年三征次殺虎原會部長阿魯台殺其主布
尼雅賓哩而自立殺侵塞上宣德九年為威刺特部所
敗阿魯台走死部落盡離散威刺特乃遣使入朝獻傳
圖聖茂蹟通鑑輯覽

御批云順帝出塞北去國未嘗失帝號而子孫相繼稱汗與
明代相終始至我朝破寨哈爾林丹汗而元始滅然史家
于是年即大書元亡以其失統系而遠避正也

聖訓煌煌允為史家
建鼎謹錄識之

順帝元統二年至元六年至正二十八年凡三十六年

右元十四主合一百六十三年

欽定續通志卷七十

欽定四庫全書

史部

欽定續通志卷七十
一至四

主事臣尹壯圖覆勘

總校官原任侍講臣王燕緒

欽定四庫全書

欽定續通志卷七十一

后妃傳

唐

臣等謹按鄭樵通志帝紀之後次以后妃傳自漢

迄隋宮壺之鑒備焉厥後史家著作互有異同舊

唐書列武后於帝紀新書則紀傳兼收五代史立

家人傳后妃與宗室同科宋尊杜太后於卷首而

遼金並溯先代金史又載睿宗顯宗諸后元史沿
晉宋及舊唐書詳載冊命義例固殊矣今袁輯后
傳彙爲一編正其體例鄭志呂后傳仍班書則武
后宜存傳也鄭志后妃宗室分傳則家人傳宜析
也鄭志不載先代及王妃則遼金二史有可節也
鄭志不錄晉宋以下冊命則元史駢儷諸文可刪
也至公主傳鄭志唯後漢有之茲據舊史所有並
加採輯各附於后傳之後自唐而下宮闈之事治

忽之原可以觀矣

高祖太穆竇皇后

太宗文德長孫皇后

徐賢妃

高宗廢后王氏

蕭良娣

則天武皇后

中宗和思趙皇后

庶人韋氏

上官昭容

高祖太穆順聖竇皇后京兆始平人

按新書作平陵人考隋京兆郡無平

陵縣有始平縣今從舊書作始平

父毅在周爲上柱國尚武帝姊襄陽

公主入隋爲定州總管神武公

按後周紀保定間毅稱神武公建德間加上柱國隋

紀開皇元年以上柱國神武郡公爲定州總管則神武公本周爵也史以其仍襲舊封故繫之定州總管之下后幼讀女誡列女等傳一過不忘武帝愛之養於宮中異他甥時突厥女爲后無寵后密諫曰吾國未靖突厥尚強願抑情撫接以取合從則江南關東不吾梗矣帝嘉納及崩哀毀同所生聞隋高祖受禪自投牀下曰恨吾非男子不能救舅家禍毅遽掩其口曰毋妄言赤吾族常謂主曰此女不凡毋妄許人因畫二孔雀屏間請昏者使射二矢陰約中目則許之射者閱數十皆不合

高祖後至射中各一目遂歸於帝始元貞太后羸老有疾而性素嚴諸娣姒皆畏莫敢侍后事之獨怡謹盡孝淹月不釋衣履工爲篇章好存規誡又善書與高祖書相雜人莫辨也崩於涿郡年四十五帝在煬帝時多畜善馬后見曰上性樂此盍以獻徒留之速罪無益也不聽頃果坐譴帝後見隋政亂多妄誅殛乃爲自安之計數進鷹犬異駒煬帝果喜擢位將軍因泣謂諸子曰早用而毋言得此久矣帝有天下詔即所葬園爲壽安陵

謚曰穆及祔獻陵尊爲太穆皇后上元中益謚太穆神
皇后

太宗文德順聖長孫皇后河南洛陽人父晟仕隋爲右

新書作左今考隋書晟傳改從舊書

驍衛將軍后喜圖傳視古善惡以自

鑒矜尚禮法晟兄熾爲周通道館學士嘗聞太穆勸撫
突厥女心誌之每語晟曰此明睿人必有奇子不可不
圖昏故晟以歸太宗后歸寧舅高士廉妾見大馬高二
丈立后舍外懼而占之遇坤之泰卜者曰坤順承天載

物無疆馬地類也之泰是天地交而萬物通也女處尊位履中而居順后妃象也時隱太子釁閔已構后孝事高祖謹承諸妃消釋嫌猜及帝授甲宮中后親慰勉士皆感奮尋為皇太子妃太宗即位立為皇后性約素服御取給則止益觀書雖容櫛不少廢與帝言或及天下事辭曰北雞司晨家之窮也可乎帝固要之訖不對

謹按通鑑輯覽

御批長孫后讀書循理恭順節儉固足為賢而辭議政一節識見卓越視漢明德尤遠過之然以大宗英明豈不知北雞之意
何必與后議賞罰哉
兄無忌於帝本布衣交以佐

命元功出入卧内帝將引以輔政后固不可乘間曰妾
托體紫宮尊貴已極不願私親更據權於朝漢之呂霍
可以為誡帝不聽竟用無忌為尚書僕射后密諭令牢
讓帝不獲已改授無忌開府儀同三司后意乃懌異母
兄安業無行當父喪時后及無忌並幼逐還外家后貴
未嘗以介意擢位將軍後與李孝常

舊書作
劉德裕

等謀反將

誅后叩頭曰安業罪死無赦然向遇妾不以慈外間知
之今論如法人必謂妾釋憾於兄無乃為帝累乎遂得

滅流越舊后所生長樂公主帝特鍾愛及將出降敕所

司資送倍於長公主

謹按通鑑輯覽

御批漢明封諸皇子皆令半楚淮陽向曾著論若太宗資送魏徵公主乃欲倍長公主較漢明之矯枉過正實為不及遠矣

引漢明帝封皇子事切諫帝以告后后歎曰嘗聞陛下重魏徵未知其故今聞其諫能以義制人主之情可謂正直社稷之臣矣忠言逆耳利於行有國家者納之則俗寧杜之則政亂願陛下詳之因請遣中使齎帛五百匹詣徵宅賜之

按后勸帝納魏徵諫事新書不載今從舊書增輯

太子承乾乳媪請增東宮

什器后曰太子患無德與名器何請為從幸九成宮

新按

舊崇紹急變一事舊書不載考吳越劉繆云帝紀及崇紹傳並未嘗有急變事疑其無之今據刪染疾

危懼太子欲請大赦並度人入道冀蒙福助后曰死生有命非人力所支若修福可延吾不為惡使善無效我尚何求且赦令國大事佛老異方教耳皆帝所不為豈宜以我亂天下法太子不敢奏以告房玄齡玄齡以聞帝嗟歎而羣臣請遂赦帝既許因后固爭止及大漸與帝訣時玄齡小謹就第后曰玄齡久事陛下預奇計秘

謀非大故願勿置也妾家以恩澤進無德而祿易以取
禍無屬樞柄以外戚奉朝請足矣妾死不可以厚葬願
因山爲壟無起墳無用棺槨器以瓦木約費送終是妾
不見忘也又請帝納忠容諫勿受讒省遊畋作役死無
恨崩年三十六后嘗采古婦人事著女則十篇又爲論
斥漢之馬后不能檢抑外家使與政事乃戒其車馬之
侈此謂開本源恤末事且誠守者曰此吾以自檢故書
無條理勿令至尊見之及崩宮司以聞帝爲之慟示近

臣曰后此書可用垂後我豈不達天命而割情乎顧內失吾良佐哀不可已謚曰文德葬昭陵因九峻山以成后志帝自著表序始末揭陵左上元中益謚文德聖皇后

徐賢妃名惠湖州長城人生五月能言四歲通論語毛詩八歲自曉屬文父孝德嘗試使擬離騷爲小山篇曰仰幽巖而流盼撫桂枝以凝想將千齡兮此遇荃何爲兮獨往孝德大驚知不可掩於是所論著盛傳太宗聞

之旨爲才人手未嘗釋卷而辭致贍蔚又無淹思帝益
禮顧擢孝德水部員外郎惠再遷充容貞觀末數調兵
討定四夷稍稍治宮室百姓勞怨惠上疏極諫且言東
戍遼海西討崑邱士馬罷耗漕餉漂沒捐有盡之農趨
無窮之壑又言翠微玉華等宮雖因山藉水無築構之
苦而工力和尙不謂無煩又言伎巧爲喪國斧斤珠玉
爲蕩心醢毒侈麗纖美不可不遏志驕於業泰體逸於
時安詞意剴切反覆數百言帝善而優賜之帝崩哀慕

成疾不肯進藥曰帝遇我厚得先狗馬侍園寢吾志也
復爲詩連珠以見意永徽元年卒年二十四贈賢妃陪
葬昭陵石室惠之弟齊暉齊暉子堅皆以學聞女弟爲
高宗婕妤亦有文藻世以擬漢班氏

高宗廢后王氏并州祁人魏尚書左僕射思政之孫從
祖母同安長公主以后婉淑白太宗以爲晉王妃王居
東宮妃亦進冊擢父仁祐陳州刺史帝即位立爲皇后
仁祐以特進封魏國公母柳本國夫人仁祐卒贈司空

初蕭良娣有寵而武才人於貞觀末以先帝宮人名爲
昭儀俄與后良娣爭寵更相毀短而昭儀詭險即誣后
與母挾媚道蠱上帝信之解魏國夫人門籍罷后舅柳
奭中書令李義府等陰佐昭儀以偏言怒帝遂下詔廢
后良娣皆爲庶人因宮中后母兄良娣宗族悉流嶺南
許敬宗又訐奏仁祐無他功以宮掖故超列三事今庶
人謀亂宗社罪宜夷宗仁祐應斷棺陛下不窮其誅家
止流竄仁祐不宜引庇廕宥逆子孫有詔盡奪仁祐官

爵帝忽念后閤行至囚所見門禁錮嚴進飲食竇中惻然傷之呼曰皇后良娣無恙乎今安在二人同辭曰妾等以罪棄爲婢安得尊稱耶流淚嗚咽又曰陛下幸念疇日使妾死更生復見日月乞署此爲回心院帝曰朕即有處置武后知之促詔杖二人百剔其手足反接投釀甕中曰令二嫗骨醉數日死殊其尸初詔旨到后再拜曰陛下萬年昭儀承恩死吾分也至良娣罵曰武氏狐媚翻覆至此我後爲貓使武氏爲鼠吾當扼其喉以

報后聞詔六宮毋畜貓武氏頻見二人被髮漚血爲厲
惡之以巫祝解謝即徙蓬萊宮厲復見故多駐東都

則天順聖皇后武氏并州文水人父士彥見外戚傳文
德皇后崩久之太宗聞士彥女美召爲才人方十四母
楊慟泣與訣后獨自如曰見天子庸知非福何兒女悲
乎母慰其意止泣既見帝賜號武媚及帝崩與嬪御皆
爲比丘尼高宗爲太子時入侍悅之王皇后久無子蕭
淑妃方幸后陰不悅它日帝過佛廬才人見且泣帝感

動后廉知狀引內後宮以撓妃寵才人有權數詭變不窮始下辭降體事后后喜數譽於帝故進爲昭儀一旦顧幸在蕭右寢與后不協后性簡重不曲事上下而母柳見內人尚宮無浮禮故昭儀伺后所薄必歛結之得賜予盡以分遺由是后及妃所爲必得得輒以聞然未有以中也昭儀生女后就弄之而去昭儀潛斃兒衾下伺帝至陽爲歡言發衾視兒死矣驚問左右皆曰后適來昭儀即悲涕帝不能察怒曰后殺吾女往與妃相讒

媚今又爾邪由是昭儀得入其訾后無以自解帝始有廢后意久之昭儀乃誣后與母厭勝帝挾前憾實其言將遂廢之長孫無忌褚遂良韓瑗來濟瀕死固爭帝猶豫而中書舍人李義府衛尉卿許敬宗素險側狙勢即表請昭儀爲后帝意決下詔廢后詔李勣于志寧奉璽綬進昭儀爲皇后命羣臣及四夷酋長朝后肅義門內外命婦入謁朝皇后自此始后見宗廟再贈士黻至司徒爵周國公諡忠孝配食高祖廟母楊再封代國夫人

家食魏千戶后乃製外戚誠獻諸朝解釋譏諫於是遂
无忌遂良踵死徙所寵煽赫然后城寓深痛柔屈不耻
以就大事帝謂能奉已故扳公議立之已得志即盜威
福施施無憚避帝亦懦昏舉動鉗勒使不得專久稍不
平麟德初后召方士郭行真人禁中爲蠱祝官人王伏
勝發之帝怒西臺侍郎上官儀指言后專恣失海內望
不可承宗廟與帝意合乃趣使草詔廢之左右馳告后
遽從帝自訴帝羞縮待之如初猶意其恚且曰是皆上

官儀教我后諷許敬宗構儀殺之謹按通鑑輯覽

御批密策廢后此何等事宜有左右之奔告尚不能禁而可與圖成者高宗羞縮受制庸懦不夫至此又豈特失臣之議所能罄其惡哉
初元舅大臣怫旨不閱歲屠覆道路目語及儀見誅

則政歸房惟天子拱手矣羣臣朝四方奏章皆曰二聖
每視朝殿中垂簾帝與后偶坐生殺賞罰惟所命當其
忍斷雖甚愛不少隱也帝晚益病風不支天下事一付
后后乃更為太平文治事大集諸儒內禁殿謨定列女
傳臣軌百寮新誠樂書等大抵千餘篇因令學士密裁

可奏議分宰相權始士驍娶相里氏生子元慶元爽又娶楊氏生三女伯嫁賀蘭越石早寡封韓國夫人仲即后季嫁郭孝慎前死楊以后故寵日盛徙封榮國始兄子惟良懷運與元慶等遇楊及后禮薄后銜不置及是元慶為宗正少卿元爽少府少監惟良司衛少卿懷運淄州刺史它日夫人置酒酣謂惟良曰若等記疇日事乎今謂何對曰幸以功臣子位朝廷晚緣戚屬進憂而不榮也夫人怒諷后偽為退讓請惟良等外遷無示天

下私繇是惟良爲始州刺史元慶龍州元爽濠州俄坐
事死振州元慶至州憂死韓國出入禁中一女國妹帝
皆寵之韓國卒女封魏國夫人欲以備嬪職難於后未
決后內忌甚會封泰山惟良懷運以岳牧來集從還京
師后毒殺魏國歸罪惟良等盡殺之以韓國子敏之奉
士獲祀初魏國卒敏之入弔帝爲慟敏之哭不對后曰
兒疑我惡之俄貶死楊氏徙鄴衛二國咸亨元年卒追
封魯國諡忠烈詔文武九品以上及五等親與外命婦

赴弔以王禮葬咸陽給班劍葆仗鼓吹時天下旱后僞
表求避位不許俄又贈士黻太尉兼太子太師太原郡
王魯國忠烈夫人爲妃上元元年進號天后建言十二
事一勸農桑薄賦徭二給復三輔地三息兵以道德化
天下四南北中尚禁浮巧五省費力役六廣言路七杜
讒口八王公以降皆習老子九父在爲母服齊衰三年
十上元前勲官已給告身者無追數十一京官八品以
上益稟入十二百官任事久材高位下者得進階申滯

帝皆下詔畧施行之蕭妃女義陽宣城公主幽掖廷幾四十不嫁太子弘言于帝后怒酖殺弘帝將下詔遜位于后宰相郝處俊固諫乃止后欲外示寬裕劫人心使歸已即奏言今羣臣納半俸百姓計口錢以贍邊兵恐四方妄商虛實請罷之詔可儀鳳三年羣臣蕃夷長朝后于光順門即并州建太原郡王廟帝頭眩不能視侍醫張文仲秦鳴鶴曰風上逆砭頭血可愈后內幸帝殆得自專怒曰是可斬帝體寧刺血處邪醫頓首請命帝

曰醫議疾烏可罪且吾眩不可堪聽爲之醫一再刺帝
曰吾目明矣言未畢后簾中再拜謝曰天賜我師身負
繒寶以賜帝崩中宗即位天后稱皇太后嗣聖元年太
后廢帝爲廬陵王自臨朝以睿宗即帝位后坐武成殿
帝率羣臣上號冊越三日太后臨軒命禮部尚書攝太
尉武承嗣太常卿攝司空王德真冊嗣皇帝自是太后
常御紫宸殿施慘紫帳臨朝追贈五世以下祖考妣置
園邑守戶時睿宗雖立竇囚之而諸武擅命于是柳州

司馬李敬業等疾太后脅逐天子乃募兵穀欲迎廬陵王起兵三月而敗傳首東都始武承嗣請太后立七廟中書令裴炎沮止及敬業之興下炎獄殺之并殺左威衛大將軍程務挺太后方怫恚一日召羣臣廷讓曰朕於天下無負若等知之乎羣臣唯唯太后曰朕輔先帝踰三十年憂勞天下爵位富貴朕所與也天下安佚朕所養也先帝棄羣臣以社稷爲託朕不敢愛身而知愛人今爲戎首者皆將相何見負之遽且受遺老臣伉扈

難制有若裴炎乎世將種能合亡命若徐敬業乎宿
將善戰若程務挺乎彼皆人豪不利于朕朕能戮之公
等才有過彼蚤爲之不然謹以事朕無貽天下笑羣臣
頓首不敢仰視曰惟陛下命久之詔陽若復辟者睿宗
揣非情固請臨朝制可乃治銅匱爲一室署東曰延恩
受干賞自言南曰招諫受時政得失西曰申寃受抑枉
所欲言北曰通玄受讖步秘策詔中書門下一官典領
太后不惜爵位以寵四方豪傑自爲助雖妄男子言有所

合輒不次官之至不稱職尋亦廢誅不少縱務取實材
真賢又畏天下有謀反逆者詔許上變在所給輕傳供
五品食送京師即日召見厚餌爵賞歆動之凡言變吏
不得呵結雖耘夫蕘子必親延見稟之客館敢稽若不
送者以所告罪之故上變者徧天下人人屏息無敢議
新豐有山因震突出太后以爲美祥赦其縣更名慶山
荆人俞文俊上言人不和疣贅生地不和堆阜出今陛
下以女主處陽位山變爲災非慶也太后怒投嶺外詔

毀乾元殿爲明堂以浮屠薛懷義爲使督作懷義鄩人
本馮氏名小寶佯狂洛陽市千金公主嬖之主上言小
寶可入侍后召與私悅之欲掩迹得通籍出入使祝髮
爲浮屠拜白馬寺主詔與太平公主壻薛紹通昭穆紹
父事之給廩馬中官爲騶侍雖承嗣三思皆尊事惟謹
至是護作士數萬巨木率一章千人乃能引又度明堂
後爲天堂鴻麗嚴奧次之堂成拜左威衛大將軍梁國
公始作崇先廟于西京享武氏祖考承嗣僞款洛水石

導使為帝遣雍人唐同泰獻之后號為寶圖擢同泰游擊將軍於是汜人又上瑞石太后乃郊上帝謝貺自號聖母神皇作神皇璽時柄去王室大臣重將皆撓不得逞宗室孤外無寄足地於是韓王元嘉等謀舉兵唱天下迎還中宗琅瑯王沖越王貞先發諸王倉卒無應者遂敗元嘉與魯王靈夔等皆自殺餘悉坐誅諸王牽連死滅殆盡子孫雖嬰祿亦投嶺南太后身拜洛受圖天子率太子羣臣蠻夷以次列大陳珍禽奇獸貢物肉簿

壇下禮成以永昌元年享萬象神宮改服袞冕措大圭
執鎮圭睿宗亞獻太子終獻合祭天地五方帝百神從
以高祖太宗高宗配引魏王士彥從配號父士彥周忠
孝太皇母楊忠孝太后以文水墓爲章德陵咸陽墓爲
明義陵載初中又享萬象神宮以太穆文德二皇后配
皇地祇引周忠孝太后從配作壘兩壘②③○周惠處
慮率岳十有二文

按吳縝糾謬云考集韻有圭隤壓匣
園陸鑿七字亦后所作然則不止十

太后自名璽改詔書為制書拜薛懷義輔國大將

軍封鄂國公令與羣浮屠作大雲經言神皇受命事春
官尚書李思文詭言周書武成爲篇辭有垂拱天下治
爲受命之符后喜皆班示天下稍圖革命然畏人心不
肯附乃陰忍驚害肆斬殺怖天下內縱酷吏周興來俊
臣等數十人爲爪吻有不慊若素疑憚者必危法中之
宗姓侯王及他骨鯁臣將相駢頸就鐵血丹挫戶家不
能自保太后操奩具坐重幃而國命移矣御史傅游藝
率關內父老請革命改帝氏爲武又脅羣臣固請妄言

鳳集上陽宮赤雀見朝堂天子不自安亦請氏武示一尊太后知威柄在已因大赦天下改國號周自稱聖神皇帝以皇帝爲皇嗣立武氏七廟于神都尊周文王爲

始祖武王

后紀作四十代祖平王少子武

爲睿祖五世以下祖並稱皇

帝妣曰皇后加諡號罷唐廟爲享德廟四時祠高祖以下三室餘廢不享至曰祀上帝萬象神宮以始祖及考妣配以百神從祀盡王諸武詔并州文水縣爲武興比漢豐沛百姓世給復改建祖宗陵寢以章德陵爲昊陵

明義陵為順陵太后雖春秋高善自塗澤雖左右不悟其哀俄而二齒生下詔改元為長壽明年享神宮自制大樂舞工用九百人以武承嗣為亞獻三思為終獻帝之為皇嗣公卿往往見之會尚方監裴匪躬左衛大將軍阿史那元慶白澗府果毅薛大信監門衛大將軍

后紀

作內
常侍

范雲仙潛謁帝皆腰斬都市自是公卿不復上謁

有上封事言嶺南流人謀反者太后遣攝右臺監察御史萬國俊就按得實即論決國俊至廣州盡召流人矯

詔賜自盡皆號哭不服國俊驅之水曲使不得逃一日
戮三百餘人乃誣奏流人怨望請悉除之於是太后遣
右衛翊府兵曹參軍劉光業司刑評事王德壽苑南面
監丞鮑思恭尚輦直長王太貞右武衛兵曹參軍屈貞
筠皆攝監察御史分往劍南黔中安南等六道訊鞠而
擢國俊左臺侍御史光業等亦希功于上惟恐殺人之
少光業殺者九百人德壽殺七百人其餘亦不減五百
人太后久乃知其寃詔六道使所殺者還其家國俊亦

相踵而死皆見有物為厲云太后又自加號金輪聖神
皇帝置七寶于廷曰金輪寶曰白象寶曰女寶曰白馬
寶曰珠寶曰主兵臣寶曰主藏臣寶率大朝會則陳之
延載二年武三思率蕃夷諸酋及耆老請作天樞紀太
后功德以黜唐興周制可使納言姚璩護作乃大裒銅
鐵合冶之署曰大周萬國頌德天樞置端門外悉鏤羣
臣蕃酋名氏其上薛懷義寵稍衰而御醫沈南璆進懷
義失望因火明堂太后羞之掩不發懷義愈狠恣怏怏

乃密詔太平公主擇健婦縛之殿中命建昌王武攸寧將作大匠宗晉卿率壯士擊殺之以畚車載尸還白馬寺懷義負幸昵氣蓋一時出百官上其徒多犯法御史馮思勗劾其姦懷義怒遇諸道命左右毆之幾死弗敢言默啜犯塞拜新平伐逆朔方道大總管提十八將軍兵擊胡宰相李昭德蘇味道至爲之長史司馬後厭入禁中陰募力少年千人爲浮屠有逆謀侍御史周矩劾狀請治驗太后曰第出朕將使詣獄矩坐臺少選懷義

怒馬造廷直往坐大榻上矩召吏受辭懷義即乘馬去
矩以聞太后曰是道人素狂不足治力少年聽窮劾矩
悉投放醜裔懷義俄構矩免官太后祀天南郊以文王
武王士彘與唐高祖並配太后加號天冊金輪聖神皇
帝遂封嵩山禪少室冊山之神爲帝配爲后封壇之南
有大榭赦曰置雞其杪賜號金雞樹自制升中述志刻
石示後改明堂爲通天宮鑄九州鼎各位其方列廷中
久之以崇先廟爲崇尊廟禮視太廟旋復崇尊廟爲太

廟自懷義死張易之昌宗得幸乃置控鶴府有監有丞及主簿錄事等官監三品以易之為之太后自見諸武王非天下意前此中宗自房州還復為皇太子恐百歲後為唐宗室躡藉無死所即引諸武及相王太平公主誓明堂告天地為鐵券使藏史館久視初以控鶴監為天驥府又改奉宸府罷監為令以左右控鶴為奉宸大夫易之復為令神龍元年太后有疾久不平居迎仙院宰相張柬之與崔玄暉等建策請中宗以兵入誅易之

昌宗於是羽林將軍李多祚等帥兵自玄武門入斬二張于院左太后聞變而起桓彥範進請傳位太后返卧不復語中宗於是復即位徙太后上陽宮帝率百官詣觀風殿問起居後率十日一詣宮俄朝朔望廢奉宸府官遷東都武氏廟復唐宗廟諸武王者咸降爵是歲后死遺制稱則天大聖皇太后去帝號諡曰則天大聖后祔乾陵及韋武黨誅詔則天大聖皇后復號天后景雲元年號大聖天后太平公主奸政復請尊后曰天后聖

帝俄號聖后太平誅詔罷吳順等陵開元四年追號則
天皇后太常卿姜皎建言則天皇后配高宗廟主題天
后聖帝非是請易題為則天皇后武氏制可

中宗和思順聖趙皇后京兆長安人祖綽武德中戰有
功終右領軍衛將軍父懷尚高祖常樂公主帝為英王
聘后為妃高宗於公主恩尤隆武后不喜乃幽妃內侍
省環自定州刺史駙馬都尉貶括州絕主朝謁隨環之
官妃既囚扃鍵牢謹日給飼料衛者候其突煙數日不

出披戶視之死腐矣瓌以壽州刺史與主預越王事死
神龍元年追諡妃曰恭皇后贈瓌左衛大將軍中宗崩
藏陵事韋庶人不臣不得祔有司加上尊號以后祔定
陵

庶人韋氏京兆萬年人祖宏表貞觀中曹王府典軍帝
在東宮后被選為妃嗣聖初立為皇后俄與帝處房陵
每使至帝輒恐欲自殺后止曰禍福何常早晚等死耳
無遽及帝復即位后居中宮是時上官昭容與正事方

敬暉等將盡誅諸武武三思懼乃因昭容入請得幸於
后卒謀暉等誅之初帝幽廢與后約一朝見天日不相
制至是與三思升御牀博戲帝從旁點籌不為忤三思
諷羣臣上后號為順天皇后乃親謁宗廟贈父元貞上
洛郡王左拾遺賈虛已諫不聽神龍三年宗楚客率群臣
臣請加號翊聖詔可禁中謬傳有五色雲起后衣笥帝
圖以示諸朝因大赦天下賜百官母妻封號太史迦葉
志忠表上桑條歌十二篇言后當受命曰昔高祖時天

下歌桃李太宗時歌秦王破陣高宗歌堂堂天后世歌
武媚娘皇帝受命歌英王石州后今受命歌桑條韋蓋
后妃之德專蠶桑共宗廟事也乃賜志忠第一區綵七
百段太常少卿鄭愔因之被樂府楚客又諷補闕趙延
禧離釋桑條為九十八代舊書作十八代之符擢延禧諫議大夫
於是昭容以武氏事動后即表增出母服民以三十三
為丁五十九免五品而上母妻不由夫子封者喪得用
鼓吹數改制度陰儲人望稍寵樹親屬封拜之昭容與

母及尚宮賀妻等多受金錢由是墨敕斜封出矣三年
帝親郊引后亞獻明年正月望夜帝與后微服過市仿
徉觀覽縱宮女出游皆淫奔不還國子祭酒葉靜能善
禁架常侍馬秦客高醫光祿少卿楊均善烹調皆引入
後庭均秦客烝於后嘗喪免不歷旬輒起帝遇弒議者
謹舊秦客及安樂公主后大懼引所親議計乃以刑部
尚書裴談工部尚書張錫輔政留守東都詔將軍趙承
福

舊書作
趙承恩

薛簡

舊書作
薛崇簡

以兵五百衛譙王重福與兄溫

定策立溫王重茂為皇太子列府兵五萬分二營屯京師然後發喪太子即位是為殤帝皇太后臨朝溫總內外兵檢護宮省族弟濯播宗子捷璿璿甥高崇及武延秀分領左右屯營羽林飛騎萬騎京師大恐傳言且革命俄而臨淄王引兵夜披玄武門入羽林殺璿播崇於寢斧關叩太極殿后遁入飛騎營為亂兵所殺斬延秀安樂公主分捕諸韋諸武與其支黨悉誅之梟后及安樂首東市翌日追貶為庶人

上官昭容名婉兒西臺侍郎儀之孫父廷芝與儀同被

誅

新書作死于武后時按糾謬云儀死在麟德元年不得謂之武后時也今改從舊書

婉兒始生

與母鄭配掖庭天性韶警善文章年十四武后召見有所制作若素構自通天以來內掌詔命挾麗可觀嘗忤旨當誅后惜其才止黥而不殺也然羣臣奏議及天下事皆與之帝即位大被信任進拜昭容封母鄭沛國夫人婉兒通武三思故詔書推右武氏抑唐家節愍太子不平及舉兵叩肅章門索婉兒婉兒曰吾死當次索皇

后大家矣以激怒帝帝與后挾婉兒登玄武門避之會
太子敗乃免婉兒勸帝修大書館增學士員引大臣名
儒充選數賜宴賦詩君臣賡和婉兒常代帝及后長寧
安樂二主衆篇竝作而采麗益新又差第羣臣所賦賜
金爵故朝廷靡然成風當時屬辭者大抵雖浮靡然所
得皆有可觀婉兒力也鄭卒諡節義夫人婉兒請降秩
行服詔起為婕妤俄為昭容帝即婉兒居穿沼築巖即
引侍臣宴其所與崔湜亂遂引知政事韋后之敗斬闕

下初鄭方姪夢巨人舁大稱曰持此稱量天下婉兒生
踰月母戲曰稱量者豈爾耶輒啞然應後內秉機政符
其夢云景雲中追復昭容諡惠文始從母子王昱為拾
遺戒鄭曰帝往囚房陵武氏得志矣卒而中興天命所
在不可幸也三思雖乘釁天下知必敗今昭容帝所信
而附之且滅族鄭以責婉兒不從節愍誅三思果索之
始憂懼及草遺制即引相王輔政臨淄王兵起被收婉
兒以詔草示劉幽求幽求言之王王不許遂誅死

欽定續通志卷七十一